



## **Divi Thomae Aqvinatis Doctoris Angelici Opera Omnia**

Summa diligentia ad exemplar Romanæ Impreßionis restituta

Complectens Tertiam Partem Summæ Theologiæ. Cum Commentariis  
Reuerendiss. D. Thomæ de Vio Caietani Cardinalis S. Sixti, Et Opvscvlis  
Eivsdem In tres Tomos distinctis

**Thomas <von Aquin, Heiliger>**

**Venetiis, 1593**

1. Vtrum consecrare hoc sacramentum sit proprium sacerdotis.
- 

[urn:nbn:de:hbz:466:1-72797](https://nbn-resolving.org/urn:nbn:de:hbz:466:1-72797)



QVAESTIO LXXXII.

De ministro huius sacramenti; in decem articulos diuisa.

**D**EINDE considerandum est de ministro huius sacramenti.

**C**IRCA primum quaruntur decem.

**P**rimo, Vtrum consecrare hoc sacramentum sit proprium sacerdotis.

**S**ecundo, Vtrum plures sacerdotes simul possint eandem hostiam consecrare.

**T**ertio, Vtrum dispensatio huius sacramenti pertineat ad solum sacerdotem.

**Q**uarto, Vtrum liceat sacerdoti consecranti a communione abstinere.

**Q**uinto, Vtrum sacerdos peccator possit consecrare hoc sacramentum.

**S**exto, Vtrum missa mali sacerdotis minus valeat, quam boni.

**S**eptimo, Vtrum haeretici schismatici, vel excommunicati possint consecrare hoc sacramentum.

**O**ctauo, Vtrum degradati.

**N**ono, Vtrum peccent, a talibus communionem recipientes.

**D**ecimo, Vtrum liceat sacerdoti omnino a celebratione abstinere.

ARTICVLVS PRIMVS.

Vtrum consecratio huius sacramenti sit propria sacerdotis.

**A**D PRIMVM sic proceditur. Videtur, quod consecratio huius sacramenti non sit propria sacerdotis. Dicitur enim supra, quod hoc sacramentum consecratur virtute verborum, quae sunt forma huius sacramenti: sed illa verba non mutantur, siue dicantur a sacerdote, siue a quocumque alio: ergo videtur, quod non solus sacerdos, sed etiam quilibet alius possit hoc sacramentum consecrare.

**1.** Praeterea. Sacerdos hoc sacramentum consecrat in persona Christi: sed laicus sanctus est vnicus Christo per charitatem: ergo videtur, quod etiam laicus possit hoc sacramentum consecrare: vnde & Chrysostomus. \* dicit super Matth. quod omnis sanctus est sacerdos.

**2.** Praeterea. Sicut baptismus ordinatur ad hominum salutem, ita & hoc sacramentum, sicut ex supradictis patet: sed etiam laicus potest baptizare, vnde supra dictum est. \* non ergo est proprium sacerdotis consecrare hoc sacramentum.

**3.** Praeterea. Hoc sacramentum perficitur in consecratione materiae: sed alias materias consecrare, siue chrisma, & oleum sanctum, & oleum benedictum, pertinet ad solum episcopum: quarum tamen consecratio non est tantae dignitatis, sicut consecratio eucharistiae, in qua est totus Christus: ergo non est proprium sacerdotis, sed solum episcopi, hoc sacramentum consecrare.

**S**ED CONTRA est, quod Isidorus. † dicit in quadam epistola, & habetur in decretis. Ad presbyterum pertinet sacramentum corporis, & sanguinis Domini in altari Dei consecrare.

**R**ESPOND. Dicendum, quod (sicut supra dictum est) hoc sacramentum est tantae dignitatis, quod non conficitur nisi in persona Christi. Quicumque

**A**utem aliquid agit in persona alterius, oportet hoc fieri per potestatem ab illo concessam: sicut autem baptizato conceditur a Christo potestas sumendi hoc sacramentum, ita sacerdoti, cum ordinatur, confertur potestas hoc sacramentum consecrandi in persona Christi. Per hoc enim ponitur in gradu eorum, quibus dictum est a Domino, hoc facite in meam commemorationem. Et ideo dicendum est, quod proprium est sacerdotum consecrare hoc sacramentum.

**A**D PRIMVM ergo dicendum, quod virtus sacramentalis in pluribus consistit, & non in vno tantum, sicut virtus baptismi consistit in ipsis verbis, & in aqua: vnde & virtus consecratiua non solum consistit in ipsis verbis, sed etiam in potestate sacerdoti tradita in sua consecratione, & ordinatione, cum ei dicitur ab episcopo. Accipe potestatem offerendi in ecclesia sacrificium, tam pro viuis, quam pro mortuis. Nam & virtus instrumentalis in pluribus instrumentis consistit, per quae agit principale agens.

**A**D SECUNDVM dicendum, quod laicus iustus vnus est Christo vnione spirituali per fidem, & charitatem, non autem per sacramentalem potestatem. Et ideo habet spirituale sacerdotium ad offerendum spirituales hostias, de quibus dicitur in Psal. 50. Sacrificium Deo spiritus contribulatus, & Rom. 12. Exhibeatis corpora vestra hostiam viuentem: vnde & 1. Pet. 2. dicitur: sacerdotium sanctum, offerre spirituales hostias.

**A**D TERTIVM dicendum, quod perceptio huius sacramenti non est tantae necessitatis, sicut perceptio baptismi, vt ex supradictis patet. \* Et ideo licet in necessitatis articulo laicus possit baptizare, non tamen potest hoc sacramentum consecrare.

**A**D QVARTVM dicendum, quod episcopus accipit potestatem, vt agat in persona Christi super corpus eius mysticum, id est super ecclesiam. Quam quidem potestatem non accipit sacerdos in sua consecratione, licet possit eam habere ex episcopi commissione. Et ideo ea, quae non pertinent ad dispositionem corporis mystici, non reseruantur episcopo, sicut consecratio huius sacramenti. Ad episcopum vero pertinet tradere non solum populo, sed etiam sacerdotibus ea, ex quibus possunt propriis officijs vti. Et quia benedictio chrismae, & olei sancti, & olei infirmorum, & aliorum, quae consecrantur (puta altaris, ecclesiae, vestium, & vasorum) praestat quandam idoneitatem ad sacramenta perficienda, quae pertinent ad officium sacerdotum, ideo tales consecrationes episcopo reseruantur, tamquam principi totius ecclesiastici ordinis.

ARTICVLVS II.

Vtrum plures sacerdotes possint vnanimiter, & eandem hostiam consecrare.

**A**D SECUNDVM sic proceditur. Videtur, quod plures sacerdotes non possint vnanimiter, & eandem hostiam consecrare. Dicitur enim supra, quod plures non possunt simul vnus baptizare: sed non minor vis est sacerdotis consecrantis, quam hominis baptizantis. ergo et non possunt simul

Tertia S. Thomae.

Q. praec. art. 12. ad 2. & q. 73. art. 3.

Super Quaest. 82. Articulum 2.

In ar. 2. q. 82. circa pluralitatem simul concelebrantium. Du randus occurrit in 4. dist. 13. contrarius valde hunc pluralitatis, & rationibus, & auctoritatibus pro ea. Putat enim quod consuetudo ista est periculosa, & magis e abolenda, quam seruanda. Confutat autem ratione in litera: b. Auctore allata ab Inno centio

4. di. 13. q. 1. art. 2. q. 2.

Q. 67. art. 6.

Chrysostomus. 4. in Matth. in opere. penult. re. mone. 4. p. 1. cap. 1.

Chrysostomus. 4. in Matth. in opere. penult. re. mone. 4. p. 1. cap. 1.

In decretis. Isidorus. Et de libro. ad habere. t. inet. sacramentum. corporis, & sanguinis. Domini. in altari. Dei. consecrare.

Q. 67. art. 6.